



TOSHKENT DAVLAT YURIDIK UNIVERSITETI REKTORINING B U Y R U G ' I

03.12.2024

216-um-son

Xorijiy mutaxassisni grant loyihasini amalga oshirish yuzasidan jalb qilish

Xorijiy mutaxassislarni o'quv jarayoniga jalb qilish to'g'risida O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonida belgilangan vazifalarni amalga oshirish hamda o'quv jarayoniga xorijiy mutaxassislarni jalb qilish orqali yuridik kadrlar tayyorlash sifatini oshirish, shuningdek, Toshkent davlat yuridik universitetining xalqaro ta'lim maydonidagi raqobatbardoshligini ta'minlash maqsadida TDYU va Koreya Respublikasining KOICA Xalqaro tashkiloti bilan Markaziy Osiyo Raqamli huquq markazini tashkil etish orqali yuqori darajadagi huquqiy xizmatlar ko'rsatish va huquqiy ta'limni mustahkamlash loyihasi (keyingi o'rinlarda - grant loyihasi)ga muvofiq,

BUYURAMAN

1. Quyidagilar Markaziy Osiyo Raqamli huquq markazini tashkil etish orqali yuqori darajadagi huquqiy xizmatlar ko'rsatish va huquqiy ta'limni mustahkamlash loyihasini amalga oshirishdan ko'zlangan asosiy maqsadlar qilib belgilansin:

-O'zbekiston Respublikasining huquqiy tizimi va ta'limini xalqaro darajaga yetkazish uchun, tadqiqot, ta'lim, huquqiy xizmatlar va hamkorlik rolini bajaruvchi Markaziy Osiyo Raqamli huquq markazini tashkil etish;

- Aholining keng qatlami va davlat boshqaruvi sohasining barcha ishtirokchilariga sun'iy intellekt texnologiyalariga asoslangan huquqiy xizmatlar va qo'llab-quvvatlashni taqdim etish;

-Rivojlangan mamlakatlar, ayniqsa Koreya bo'yicha zamonaviy huquqiy resurslar, ma'lumotlar va materiallarga onlayn kirish imkoniyatini ta'minlash;

-Koreya va O'zbekiston qonunchilik tizimlarini biluvchi mutaxassislarni tayyorlash, Koreya qonunchiligi bo'yicha o'qitish va har yili mehnat migrantlari, biznesmenlar va investorlar uchun bepul xizmatlar ko'rsatish;

-Mehnat bozori talablariga javob beradigan ta'lim dasturlarini yaxshilash maqsadida mahalliy ishtirokchilar bilan hamkorlikni o'rnatish

2. Xalqaro hamkorlik boshqarmasi (F. Umirov) loyihani o'z vaqtida hamda sifatli

amalga oshirilishiga mas'ul qilib belgilansin.

3. KOICA xalqaro tashkiloti vakili An Seo Park Toshkent davlat yuridik universitetida Markaziy Osiyo Raqamli huquq markazini tashkil etish orqali yuqori darajadagi huquqiy xizmatlar ko'rsatish va huquqiy ta'limni mustahkamlash loyihasini amalga oshirish yuzasidan beg'araz maslahatchi etib belgilansin

4. Mazkur buyruqning ijrosini nazorat qilishni o'z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

F.UMIROV



Kelishildi:

Ilmiy ishlar va innovatsiyalar
bo'yicha prorektor

B.XODJAYEV



Katta yuriskonsult

A.TURSUNOV

